

Kalaallit Nunaanni kommunit biilnik inissiinermik nakkutilliinerat pillugu nalunaarut

Kalaallit Nunaanni aqqusinertigut angallannermut inatsimmi § 55 a naapertorlugu, tak. inatsit nr. 832, 18. december 1991-imeersaq, allanngortinneqartoq inatsisikkut nr. 497-ikkut 17. juni 2008-meersukkut, aalajangersarneqarpoq:

§ 1. Aalajangersakkat, Kalaallit Nunaanni aqqusinertigut angallannermut inatsimmi § 55 a, imm. 1-imi taaneqartut, malinneqarnerannik nakkutilliineq politiit saniasigut kommunalbestyrelsimit isumagineqarsinnaavoq.

§ 2. Unitsitaanermut aamma biilnik inissiinermut akiliummik akiliisussanngortitsinermi immersuiffissaq atorneqassaaq, taannalu paasissutissanik makkuninnga imaqassaaq

- 1) akiliinissamut piffissarititaasoq,
- 2) akiliinissamut akerliliissutit sumut ingerlatinneqarsinnaanersut (kommune),
- 3) kommunip akiliinissaq aalajangiusimaannassappagu aalajangiinermik naammassinninniaanissamut periarfissaq, kalaallit oqartussaasuisa aalajangiinerinik pinngitsaaliinikkut naammassinninniaasarneq pillugu malittarisassat kalaallit eqqartuussisarnermik inatsisaanniittut naapertorlugit.

Imm. 2. Immersuiffissaq imm. 1-imi taaneqartoq Kalaallit Nunaanni Kommunit Katuffiata Kalaallit Nunaanni Politimesteri tusarniaavigereerlugu ilusilersussaavaa.

Imm. 3. Kalaallit Nunaanni aqqusinertigut angallatit motoorillit nalunaarsorneqarnerat pillugu paasissutissanut tunngatillugu Kalaallit Nunaanni Politimesterip kommunit ikiussavai.

§ 3. Akitsuutit kommunalbestyrelsimit akiligassiisutigineqartut kommunimit akilersinniarneqartassapput. Kommunip aalajangiinera naammassiniarneqarsinnaavoq kalaallit oqartussaasuisa aalajangiinerinik pinngitsaaliinikkut naammassinninniaasarneq pillugu malittarisassat kalaallit eqqartuussisarnermik inatsisaanniittut naapertorlugit.

§ 4. Isertitat biilnik inissiinermik nakkutilliinermeersut, § 1 naapertorlugu kommunalbestyrelsip ingerlataanit, kommunimut inissiisarfimmik nakkutigineqartumik piginnittumut tunniunneqassapput.

§ 5. Nalunaarut atortuulerpoq ulloq 1. oktober 2008.

Inatsiseqarnermut ministereqarfik, ulloq 25. september 2008

BRIAN MIKKELSEN

/Kira Gandrup